

DUMANDA A BOCCA

DEPOSEE PAR : CORE IN FRONTE

OBJET : Cumu aiutà i nosci piscatori di pettu à u Statu è l'Europa?

Sgiò presidenti di l'Ambienti, cari culleghi

Vennari u 17 di ghjinnaghju, i piscadori corsi incù u Sindicatu di i Piscadori Corsi ani fattu senta a so zerga di fronti à i misuri rigulamentari abusivi ch'è li toccani.

Cunisciti bè postu ch'è aveti ricivutu chivi i so rivendicazioni. Ogni gruppu dinò rappresentatu chivi i cunosci è par maiò parti i spartini.

Par contu nosciu, comu l'emu sempri ditta simu à fianc'è iddi postu chi ricusemu ch'è s'ghì cundannatu à morta a noscia pesca paisana.

Ramintemu chivi i so principali rivendicazioni:

- U costu di l'essenza;
- U ricusu da l'URSSAF di piddà in contu u travaddu staghjunali;
- U pianu «West Med» ch'è metti in priculu i paranzi corsi.
- A rivisioni ditta di i « sopravivenza » imposta da l'Unioni Auropiana inadattata;
- A pulitica di furmazioni ditta «Médical1» fraziunatu d'un puntu di vistu geograficu;
- A difficoltà accrisciuta di i visiti medicali.

Par essa chjaru à tutti, ci voli à d'è chi a pulitica auropa è quidda di a praputenza francesa mettini a pesca corsa à a malavia. I so misuri imposti un ani nunda à ch'è veda incù i rialtà cutidiani di i piscadori corsi.

Ci voli à d'è dinò, ch'è a Francia, par muscià ch'è idda pò fà meddu ch'è l'hà impostu l'Europa, rinforza è impighjurisci a so pulitica autoritaria contr'è i piscadori corsi.

Ci voli dunqua ch'è idda s'ghì adattata una nova rigulamentazioni è ch'è sia ricunisciuta cumu hè a pesca paisana praticata in tarra noscia.

D'utrovi di u 2024, un pianu tarritoriali di sustegnu è sviluppu à prò di a pesca corsa hè statu adupratu da l'Assemblea di Corsica.

Tinendu contu di ciò chì si passa, vi femu sta dumanda :

Cumu cuntati fà par accumpagnà, di pettu à u Statu francesu è l'Unioni Auropea, u movimentu di i piscadori corsi par ottene a nicissaria ricuniscenza è adattazioni di st'attività suciali, culturali è ecunomica ?

À ringrazià vi.